



KEMENTERIAN PENDIDIKAN TINGGI
JABATAN PENDIDIKAN POLITEKNIK DAN KOLEJ KOMUNITI

SIARAN MEDIA

SESI KUNJUNGAN HORMAT KETUA PENGARAH PENDIDIKAN POLITEKNIK DAN KOLEJ KOMUNITI KE PKT LOGISTICS GROUP. BHD.

BATU KAWAN, 27 JUN 2023 – Satu sesi kunjungan hormat Ketua Pengarah Pendidikan Politeknik dan Kolej Komuniti, YBrs. Dr. Haji Mohd Zahari Ismail kepada YBhg. Dato' Seri (Dr.) Michael Tio, *Group Chief Executive and Managing Director*, PKT Logistics Group Sdn Bhd telah diadakan di One Auto Hub PKT Logistics, Pulau Pinang.

Sinergi kolaborasi antara Jabatan Pendidikan Politeknik dan Kolej Komuniti (JPPKK) dan PKT Logistics Group Sdn Bhd yang telah berlangsung sejak tahun 2015 menunjukkan JPPKK sentiasa memperkukuhkan kolaborasi agar politeknik dan kolej komuniti selari dengan keperluan industri. Penglibatan YBhg. Dato' Seri (Dr.) Michael Tio sebagai ahli Majlis Penasihat Industri JPPKK di peringkat jabatan dan Jawatankuasa Penasihat Industri di beberapa buah politeknik. Komitmen dan kepercayaan PKT Logistics Group Sdn Bhd juga dengan bakat-bakat yang dihasilkan oleh politeknik dan kolej komuniti dalam bidang logistik, teknologi maklumat dan kejuruteraan telah terbukti apabila telah mengadakan kerjasama dengan lapan (8) buah politeknik dan kolej komuniti.

Pada sesi kunjungan tersebut, telah diadakan majlis simbolik penyerahan 20 orang pelajar Politeknik Seberang Perai (PSP) kepada pihak PKT Logistics bagi program 'Jom Bekerja Sambil Belajar' dimana pelajar tersebut akan bekerja di industri sewaktu cuti semester. Sehingga kini, seramai 70 orang pelajar PSP telah mengikuti program ini bagi mendapatkan pendedahan awal dan menambah kemahiran teknikal dan praktikal, pengetahuan serta pengalaman industri sebelum mereka ke latihan industri dan bekerja. Kerjasama strategik ini adalah hasil daripada sinergi padu antara JPPKK dan PKT Logistics yang dapat menunjukkan impak yang tinggi daripada keberhasilannya.

Selain itu, pada sesi kunjungan hormat ini, YBhg. Dato' Seri (Dr.) Michael Tio telah menyerahkan replika cek berjumlah RM400,000.00 kepada Politeknik Seberang Perai (PSP) dan Politeknik Balik Pulau (PBU) bagi penajaan menyambung pengajian ke peringkat ijazah kepada pelajar bidang teknologi maklumat yang cemerlang. Sehingga kini, PKT Logistics telah menaja lebih

RM3 juta yang memberi manfaat kepada 41 orang pelajar politeknik melalui inisiatif *Student Excellent Scholarship*.

Bagi tahun 2023, PKT Logistics bersetuju untuk meneruskan penganjuran bersama Program *Young Socialpreneur Programme 3.0 (YS2P 3.0)* yang akan diiktiraf oleh Malaysia Book of Record (MBOR) dan akan dirasmikan oleh YB Menteri Pendidikan Tinggi.

“Harapan saya agar kerjasama erat di antara JPPKK dengan PKT Logistics Group Sdn. Bhd. dapat diperkukuhkan lagi melalui beberapa inisiatif kolaborasi berimpak tinggi seperti latihan industri berstruktur serta penawaran pensijilan profesional sebagai tambahan kepada pelajar-pelajar politeknik bagi memenuhi keperluan industri sekaligus membolehkan graduan politeknik ditawarkan dengan gaji premium seperti saranan Menteri Pendidikan Tinggi”.

“Saya percaya kerjasama ini adalah merupakan suatu peluang kerjasama berpotensi besar yang bukan sahaja dapat memberi manfaat kepada pelajar politeknik tetapi juga pihak industri di sekitar Pulau Pinang amnya dan Kawasan Perindustrian Batu Kawan khususnya, “ ujar YBrs. Dr. Haji Mohd Zahari Ismail sewaktu ucapannya pada sesi kunjungan hormat tersebut.

Sementara itu, YBhg. Dato’ Seri (Dr.) Michael Tio dalam ucapan beliau berkata pelajar dan graduan politeknik merupakan bakat TVET yang mempunyai pengetahuan dan kemahiran yang diperlukan oleh industri.

“Saya sendiri melihat komitmen JPPKK yang melibatkan pihak industri dalam pembangunan dan penambahbaikan kurikulum. Pelbagai program intervensi dijalankan bersama PKT Logistics bagi melengkapkan pelajar sebelum masuk ke alam pekerjaan. Komitmen dari jabatan dan institusi yang terlibat menjadikan sinergi kolaborasi ini lebih mantap”, katanya lagi.

Hasil daripada kolaborasi berimpak tinggi antara JPPKK dan PKT Logistics Group Sdn Bhd yang terjalin ini dilihat seiring dengan aspirasi Ketua Pengarah Pendidikan Politeknik dan Kolej Komuniti agar JPPKK mempergiatkan program pengajian berimpak di POLYCC dan ekosistem TVET keseluruhannya, kolaborasi dan kerjasama bersama pihak industri boleh dianggap sebagai salah satu *game-changer* dalam memastikan POLYCC mencapai matlamat tersebut.

-TAMAT-

**JABATAN PENDIDIKAN POLITEKNIK DAN KOLEJ KOMUNITI
KEMENTERIAN PENDIDIKAN TINGGI**

*Dikeluarkan oleh:
Unit Komunikasi dan Hubungan Korporat,
Jabatan Pendidikan Politeknik dan Kolej Komuniti
Kementerian Pendidikan Tinggi*

*Telefon : 03- 8888 2515/2870
E-mel : ukk.jppkk@mohe.gov.my*